



Félag læknanema  
Vatnsmýrarvegi 16  
101 Reykjavík

**Umsögn frá stjórn Félags læknanema um (2.) breytingu á reglugerð nr. 467/2015 um menntun réttindi og skyldur lækna og skilyrði til að hljóta almennt lækningaleyfi og sérfræðileyfi**

Stjórn Félags læknanema fagnar hversu hratt og vel unnið var að þessari reglugerðarbreytingu.

Það er brýnt að efla sérnám á Íslandi en jafnframt er mikilvægt að íslenskir læknar haldi áfram að sækja sér menntun út fyrir landsteinana. Til þess þarf að standa vörð um samkeppnishæfni lækna menntaðra á Íslandi en einnig leitast við að ryðja hindrunum úr vegi íslenskra lækna sem halda út í sérnám.

Reglugerðarbreytingin gerir atlögu að hvoru tveggja. Hún tryggir að læknar menntaðir á Íslandi standi jafnfætis læknum erlendis, sem hljóta lækningaleyfi við útskrift, til dæmis hvað varðar umsóknir til sérnáms. Að auki greiðir hún veg lækna sem halda til Norðurlanda í sérnám þar sem menntun þeirra og þjálfun verður metin með nýju reglugerðinni. Meirihluti íslenskra lækna sækir sitt sérnám til Norðurlandanna og því er ljóst að hér eru miklir hagsmunir í húfi.

Læknanemar við Háskóla Íslands hljóta mikla klíníska þjálfun og koma vel út í alþjóðlegum samanburði. Við teljum að hæfni þessara nema sé að minnsta kosti til jafns við aðra læknanema í Evrópu og í því ljósi standa íslenskir læknanemar vel undir þeirri ábyrgð sem veitingu lækningaleyfis við útskrift fylgir.

Reykjavík, 5. apríl 2021

---

Teitur Ari Theodórsson  
Formaður Félags læknanema